

საქართველო



იმისთანა წმინდა საძმომი, ბოგბინი ბუქ-
უბი სიფყავა, ცუდილუბით და ჭებობით ბუბ-
თის გაცანა ყულა უჯანსობაჲ უსაბაგლსია.



გაგონის 1918 წლის
25 ივლისიდან

რესპუბლიკა

შაბათი-კვირა, 19-20 ოქტომბერი. 2019 წ. №208 (8874)

ელ.ფოსტა: sakresp@mail.ru და sakresp@top.ge

ფასი 60 თეთრი

გზოგზაზე, გაუფრთხილდით შვილებს!




შინაგან საქმეთა სამინისტროს ვიდეო

საქართველოს შინაგან საქმეთა სამინისტრო სოციალურ ქსელში ბავშვის ვიდეოს გავრცელებასთან დაკავშირებით მშობლებსა და ზოგადად, მოქალაქეებს მიმართავს. კერძოდ, უწყების ცნობით, სოციალურ ქსელში გავრცელებული ბავშვის ფოტოები და ვიდეოები, სადაც იკვეთება მისი ასაკისთვის შესაბამისი ქცევის და სწავლის ნიშნები, შეიცავს საყურადღებო რისკებს არასრულწლოვანის განვითარებისთვის. ამიტომ, შსს მიიჩნევს, რომ მნიშვნელოვანია, საზოგადოების ცნობიერების ამაღლება და მშობლების ინფორმირება მსგავსი მასალის გავრცელების საფრთხეებსა და ბავშვის განვითარების რისკებთან დაკავშირებით. ამასთან, როგორც შსს-ში აცხადებენ, აღნიშნულს სჭირდება გრძელვადიანი მულტი-დისციპლინური მუშაობა, სადაც ჩართული უნდა იყვნენ როგორც სახელმწიფო უწყებები, ასევე სამოქალაქო სექტორის წარმომადგენლები. ამ მიზნით, შინაგან საქმეთა სამინისტროს ადამიანის უფლებათა დაცვისა და გამოძიების ხარისხის მონიტორინგის დეპარტამენტმა სოციალური სამსახურის, სახალხო დამცველის

აპარატის, მანდატურის სამსახურისა და არასამთავრობო ორგანიზაციების მონაწილეობით ქეისკონფერენცია გამართა. შეხვედრაში მონაწილე უწყებები მოუწოდებენ, როგორც აღნიშნულ ოჯახს, ასევე ზოგადად, მშობლებს, რომ თავი შეიკავონ მსგავსი შინაარსის ფოტოებისა და ვიდეოების დამზადებისა და განსაჯაროებისგან. ვინაიდან, მსგავსი მასალის ფოტო-ვიდეოგადაღება-გავრცელებამ შეიძლება, გამოიწვიოს ბავშვის ინტერესების უგულვებელყოფა, შეაფერხოს მოზარდის ფიზიკური, გონებრივი, სულიერი და სოციალური განვითარება. ამასთან, არსებობს იმის საფრთხე, რომ ბავშვი შეიძლება გახდეს ბულინგის მსხვერპლი, მათ შორის, ონლაინ სივრცეში. ამდენად, მშობლების უფლებები არ უნდა განხორციელდეს ისე, რომ ამით ზიანი მიადგეს ბავშვის საუკეთესო ინტერესებს, არასრულწლოვნის უსაფრთხოებას, კეთილდღეობას, ჯანმრთელობის დაცვას, განათლებას და განვითარებას. შეხვედრის მონაწილეები აღნიშნულ ოჯახთან მუშაობის სტრატეგიასა და ბავშვის უფლებრივი მდგომარეობის შემდგომი მონიტორინგის საკითხებზე შეთანხმდნენ.

საქართველოს პრეზიდენტი საუბრი ვიზიტით მიიწვიას

საქართველოს პრეზიდენტი სალომე ზურაბიშვილი საქართველოში ოფიციალური ვიზიტით მყოფ კორეის რესპუბლიკის ეროვნული ასამბლეის თავმჯდომარეს მუნ ჰი-სანგის შესვლა და ქვეყნებს შორის სავაჭრო-ეკონომიკური და კულტურულ-საგანმანათლებლო სფეროებს შორის ორმხრივი ურთიერთობების განვითარების საკითხები განიხილა. საქართველოს პრეზიდენტმა სტუმარს საქართველოს ოკუპირებულ რეგიონებში შექმნილი ვითარების შესახებ მიაწოდა ინფორმაცია და აღნიშნა, რომ ჰუმანიტარული თვალსაზრისით, ოკუპირებულ რეგიონებში მძიმე მდგომარეობა შექმნილი: აფხაზური ენა და კულტურა გაქრობის საფრთხის წინაშეა, მოსახლეობას შეზღუდული აქვს თავისუფალი გადაადგილება, ადგილობრივ მოსახლეობას არ ეძლევა მშობლიურ ენაზე განათლების მიღების საშუალება.



მხარეებმა ისაუბრეს საქართველოში კორეის რესპუბლიკის საელჩოს გახსნის მნიშვნელობაზე, რაც საქართველოს პრეზიდენტის აზრით, მეტ შესაძლებლობას გააჩენს ხალხთა შორის ურთიერთობების განვითარების მიმართულებითაც. საქართველოს პრეზიდენტი კორეის რესპუბლიკის ეროვნული ასამბლეის თავმჯდომარემ მუნ ჰი-სანგმა კორეის რესპუბლიკის პრეზიდენტის სახელით სეულში ვიზიტით მიიწვია, თავის მხრივ, სალომე ზურაბიშვილმაც მოიწვია კორეის რესპუბლიკის პრეზიდენტი საქართველოში.



მატყუარა ირაკლი აბესაძის საკანცხოდ



„2000 წლიდან დღემდე საქველმოქმედო დახმარების სახით კულტურის მოღვაწეებზე 130 მლნ ლარზე მეტი გაიცა“, – პარლამენტის პლენარულ სხდომაზე „ქართული ოცნების“ ლიდერმა მამუკა მდინარაძემ საპარლამენტო უმცირესობის წარმომადგენელს ირაკლი აბესაძეს უპასუხა. როგორც აბესაძემ განაცხადა, პროექტი „ქველმოქმედი ივანიშვილი“ დასრულებულია მას შემდეგ, რაც ივანიშვილი მოვიდა ხელისუფლებაში, ახლის ფულს ხარჯავს მხოლოდ და მხოლოდ საკუთარი პირადი ქონების შექმნისთვის და ის დიდი ხანია, აღარ ხარჯავს ფულს კულტურისა და სპორტის მოღვაწეების დაფინანსებისთვის. მდინარაძემ სხდომაზე აბესაძის გაცხადების ციტირება მოახდინა და საპასუხოდ ბიძინა ივანიშვილის მიერ ქველმოქმედებასა და სხვადასხვა პროექტებისთვის

დახარჯულ თანხებზე ვრცლად ისაუბრა: „2000 წლიდან დღემდე საქველმოქმედო დახმარების სახით კულტურის მოღვაწეებზე გაიცა 130 მლნ ლარზე მეტი. მხოლოდ 2018 წელს 1000 პირზე გაიცა 5 მლნ ლარი. კულტურის სფეროში ინფრასტრუქტურულ პროექტებზე დახარჯული თანხა 600 მლნ ლარზე მეტია. 2018 წელს მხოლოდ კულტურის სფეროში ამგვარ პროექტებზე დახარჯულია 25 მლნ ლარი. სპორტში, 2000 წლიდან ფონდი „ქართუ“ 200-ზე მეტი დამსახურებული სპორტსმენისათვის ქველმოქმედებას აწარმოებს, ჯამური თანხა – 74 მლნ ლარი. სპორტის სფეროში ინფრასტრუქტურული პროექტები – 137 მლნ ლარი. მხოლოდ 2018 წელს გაცემულია 1 907.0 ათასი ლარი. სულ 2018 წელს სპორტის სფეროში გაცემულია 17 მლნ ლარი. ბუნებრივია, დაფინანსება გრძელდება ახლაც“, – განაცხადა მამუკა მდინარაძემ.

ჭეშმარიტი გემულისი: ბიზნესმენი, ფარმარი ელბუჯა ნოზაძე - 80

„წინაპართაგან
მოგვამს,
რომ კაცობისა
და სიმაკრთლის
გზისთვის
არ უნდა შედგება...“



ლიპარბაიანი
მსოფლიო
ჩემპიონი

„ეთერის
არია 10
მარკოშვის
აქტიურობა“

გახარია სამხრეთ კორეის ეროვნული ასამბლეის თავმჯდომარეს შეხვედრა



საპარლამენტო პრემიერ-მინისტრ გიორგი გახარისა და სამხრეთ კორეის რესპუბლიკის ეროვნული ასამბლეის თავმჯდომარე მუნ ჰი-სანგის შეხვედრის მთავარი თემა საქართველოში სხვადასხვა მიმართულებით განხორციელებული წარმატებული რეფორმები იყო.

მთავრობის ადმინისტრაციაში გამართულ შეხვედრაზე საუბარი სამხრეთ კორეასა და საქართველოს შორის თანამშრომლობას შეეხო.

მთავრობის ადმინისტრაციის ცნობით, აღინიშნა, რომ სამხრეთ კორეასა და საქართველოს შორის დიპლომატიური ურთიერთობები თითქმის 30 წელია, არსებობს და წლიდან წლამდე ეს

თანამშრომლობა ვითარდება როგორც პოლიტიკური, ასევე ეკონომიკური და ხალხთა შორის ურთიერთობების მიმართულებით.

სამხრეთ კორეის რესპუბლიკის ეროვნული ასამბლეის თავმჯდომარემ ხაზი გაუსვა სამხრეთ კორეის რესპუბლიკიდან ტურისტული ნაკადის ზრდის დინამიკას და გამოთქვა იმედი, რომ ტურისტების რაოდენობა კიდევ უფრო გაიზრდება. სამხრეთ კორეის რესპუბლიკის ეროვნული ასამბლეის თავმჯდომარემ აღნიშნა, რომ მისასალმებელია, როდესაც სამხრეთ კორეული საზოგადოება საქართველოს მიმართ დიდ ინტერესს გამოხატავს.

აზიის განვითარების ბანკის პრეზიდენტი: საქართველოს შეუძლია, ევროპასა და აზიას შორის სავაჭრო-ეკონომიკური თანამშრომლობის გაღრმავების პროცესში მნიშვნელოვანი ადგილი დაიკავოს

— აზიის შესახებ აზიის განვითარების ბანკის პრეზიდენტმა ტაკეჰიკო ნაკამო საქართველოს ფინანსთა მინისტრ ივანე მაჭავარიანთან გამართულ შეხვედრაზე განაცხადა.

საერთაშორისო სავალუტო ფონდისა და მსოფლიო ბანკის ჯგუფის ყოველწლიური შეხვედრების ფარგლებში გამართული მოლაპარაკებებისას, მხა-

რეებმა მიმოიხილეს საქართველოსთან 2019-2023 წლების სტრატეგიით გათვალისწინებული პრიორიტეტული მიმართულებები, რომლის მიზანია რეგიონული კავშირების გაღრმავება, კერძო სექტორის განვითარება, ურბანული განვითარების მხარდასაჭერად სატრანსპორტო ინფრასტრუქტურის გაძლიერება, აზიის განვითარების ბანკის [ADB] როლის



გაფართოება-გავრცელება განათლების, პროფესიული განვითარებისა და საჯარო მმართველობის მიმართულებით.

ახალი ინფრასტრუქტურული ობიექტები უსს-ს აკადემიაში

შინაბან საქმეთა მინისტრმა ვახტანგ გომელაურმა, მოადგილეებთან ერთად, სამინისტროს აკადემიაში ახალი სასროლეო, სპეციალური ოპერაციების პრაქტიკული მეცადინეობისთვის განსაზღვრული იმპროვიზებული საცხოვრებელი ნაგებობა და ფიზიკური მომზადების სივრცე გახსნა.

უნეცების ცნობით, შინაგან საქმეთა სამინისტროს აკადემიაში სამივე ინფრასტრუქტურული პროექტი სამინისტროს სა-

პოლიციო ინფრასტრუქტურის განახლების ფარგლებში განხორციელდა. მინისტრმა ახალი ინფრასტრუქტურა დაათვალიერა, აკადემიის მსმენელებსა და თანამშრომლებს შეხვდა.



საპარლამენტო უმრავლესობის ლიდერის გია ვოლსკის თქმით, „საერთაშორისო გამჭვირვალობა საქართველოს“ განცხადებებში პოლიტიკური მიმართულება იკვეთება.

ურუნალიტებთან საუბარში გია ვოლსკი გენერალური პროკურორის შალვა თადუმაძის დიპლომის თაობაზე კოალიციის „დამოუკიდებელი და გამჭვირვალე მართლმსაჯულებისთვის“ გავრცელებულ ინფორმაციას გამოეხმაურა.

„შალვა თადუმაძის დიპლომი ნამდვილია, ჩვენ ეს ვიცით. თუ ვინმეს სანინალმდეგო პოზიცია აქვს და ამას ადასტურებს, ამ თემაზე უნდა ისაუბროს. შალვა თადუმაძე არის ადამიანი, რომელსაც შესაბამისი კომპეტენცია გააჩნია. „საერთაშორისო გამჭვირვალობა საქართველომ“ თავის განცხადებებში პოლიტიკური მიმართულება აიღო, ასეთი განცხადება იყო პენსიებთან დაკავშირებით. ისეთი განცხადებები აქვს ჩამოყალიბებული, როგორც

„საერთაშორისო გამჭვირვალობა საქართველოს“ რიგორიკა, სამუხაროდ, პოლიტიკურია!

გარკვეულ პოლიტიკურ ჯგუფს“, — განაცხადა ვოლსკიმ.

ამასთან, ვოლსკი გამოეხმაურა „საერთაშორისო გამჭვირვალობა საქართველოს“ ინფორმაციას საჯარო სამსახურში ხელმძღვანელი პირების ნათესავების დასაქმების თაობაზე. ვოლსკის განცხადებით, სამუხაროდ, რომ ზოგიერთი არასამთავრობო ორგანიზაცია პოლიტიკურ ჯახში არის ჩართული.

„საპარლამენტო არჩევნებს რაც უფრო დავუახლოვდებით,

ასეთი განცხადებები უფრო მეტი იქნება. სამუხაროდ, რომ ზოგიერთი არასამთავრობო ორგანიზაცია ჩართულია პოლიტიკურ ჯახში. თუ რაიმე მაგალითი არსებობს იმის, რომ ვინმე არასწორად დაინიშნა სადმე, ან ნათესაობით, დაბალი ინტელექტუალური მონაცემები აქვს, მაგრამ თანამდებობაზე წინ არის, ამის თაობაზე კონკრეტული ინფორმაცია უნდა გამოქვეყნდეს და შეფასება მიეცეთ“, — განაცხადა ვოლსკიმ.



წვრთნებისა და შეფასების ცენტრი ახალი განქანებით აღიჭურვა

„თავდაცვის შესაძლებლობების აღმშენებლობის ნდობის ფონდის“ ფარგლებში, ნატომ ქართულ მხარეს ავტორიზაციის გადამცემა ახალი ტექნიკის გადმოცემა ნატო-საქართველოს წვრთნებისა და შეფასების ერთობლივ ცენტრში (JTEC) მოხდა.

ლონისძიებს საქართველოს თავდაცვის მინისტრი ირაკლი ღარიბაშვილი ნატოს სამეკავშირეო ოფისის ხელმძღვანელთან და დიპლომატიური კორპუსის წარმომადგენლებთან ერთად დაესწრო.

„JTEC განაგრძობს ინფრასტრუქტურისა და ტექნიკური შესაძლებლობების განვითარებას. ნატო-ს „თავდაცვის შესაძლებლობების აღმშენებლობის ნდობის ფონდის“ მიერ სატრანსპორტო ტექნიკის გადმოცემით, ვხედავთ ხანგრძლივი, თუმცა ძალიან ნაყოფიერი პროცესის შედეგს“, — განაცხადა ირაკლი ღარიბაშვილმა სიტყვით გამოსვლისას.

მან პროექტში მონაწილე ქვეყნებს ფინანსური კონტრიბუციისთვის მადლობა გადაუხადა და აღნიშნა, რომ ეს მნიშვნელოვანი მხარდაჭერა ხელს შეუწყობს JTEC-ის პერსონალის მობილურობისა და ზოგადად,

სამუშაო პირობების გაუმჯობესებას. პროექტი დაინიშნა სამეფოს, გერმანიის, იტალიის, ლიეტუვას, ნორვეგიის, პორტუგალიის, თურქეთისა და გაერთიანებული სამეფოს დაფინანსებით და ნატოს უზრუნველყოფისა და შესყიდვების სააგენტოს მხარდაჭერით განხორციელდა.

თავდაცვის მინისტრმა ნატო-საქართველოს არსებითი პაკეტის წარმატებასა და მისი განვითარების სამომავლო გეგმებზეც ისაუბრა. განსაკუთრებული ყურადღება გამახვილდა JTEC-ის მნიშვნელობასა და მისი განვითარების პერსპექტივაზე. საქართველოში ნატოს სამეკავშირეო ოფისის ხელმძღვანელის როზარია პუგლისის განცხადებით, JTEC არის წარმატების მაგალითი და ნატო-საქართველოს თანამშრომლობის ხელშეწყობის შედეგი.

„მისი არსებობის სამი წლის განმავლობაში, JTEC-ში მომზადდება ათასობით ქართველმა და ნატოელმა სამხედრო მოსამსახურემ გაიარა. ეს არის კონკრეტული ინსტრუმენტი, რომელიც საქართველოს თავდაცვითი შესაძლებლობების გაძლიერებას ისახავს მიზნად და დღი-



თი დღე აახლოებს თქვენს ქვეყანას ნატოში განვითარების მიზანთან“, — აღნიშნა ნატოს სამეკავშირეო ოფისის ხელმძღვანელმა.

ნორვეგიის სამეფოს საგანგებო და სრულუფლებიანი ელჩის საქართველოში ჰელენა სანდ ანდრესენის თქმით, საქართველოსთვის ავტორიზაციის გადმოცემა ნატოს მხრიდან ცენტრის მიმართ ალბულო ვალდებულებების კიდევ ერთი დასტურია.

რა უნდათ ამერიკელებს შავ ზღვაში?

«ქართული ოცნების» დაპუტატების პერსონაჟი

„თიბისი ბანკის“ და მოძრაობა „ლელოს“ დამფუძნებელმა მამუკა ხაზარაძემ „მთავარი არხის“ ეთერში სკანდალური განცხადება გააკეთა. მან გაიხსენა 2017 წლის შეხვედრა ბიძინა ივანიშვილთან სოლოლაკის სასახლეში, სადაც ყოფილმა პრემიერ-მინისტრმა მას განუცხადა, რომ ის ვერ ერკვევა გეოპოლიტიკურ სიტუაციაში. მისივე თქმით, ბიძინა ივანიშვილმა ანაკლიის პროექტზე უარის თქმისკენ მოუწოდა, რადგან „ქართული ოცნების“ თავმჯდომარე მიიჩნევდა, რომ შავ ზღვაში ამერიკელების ადგილი არ არის.

„კომმერსანტი“ დაინტერესდა, რას ფიქრობენ ამ საკითხზე მმართველი გუნდის წევრები. დეპუტატებს ერთი კითხვა დავუსვით: რა უნდათ ამერიკელებს შავ ზღვაში?

კობა კობალაძე:

„ყველა შეხვედრაზე, საერთაშორისო პარტნიორებთან თუ სხვა ფორმატში, მუდმივად ვსაუბრობთ ანაკლიის ღრმანაწილოვანი პორტის პროექტის მნიშვნელობაზე. ანაკლიის ღრმანაწილოვანი პორტი არის ერთადერთი კომერციული პროექტი, რომელიც საქართველოს კონსტიტუციაში მოხვდა. შეუძლებელია, სახელმწიფომ ამაზე უფრო მაღალი შეფასება მისცეს პროექტს და მის მნიშვნელობას ქვეყნისთვის. ამერიკის შეერთებული შტატები ჩვენი გამორჩეული სტრატეგიული პარტნიორია, მათ კარგად ესმით შავი ზღვის რეგიონისა და კონკრეტულად ჩვენი ქვეყნის როლი მსოფლიო უსაფრთხოებაში. საქართველოს და ამერიკის შეერთებულ შტატებს შორის ურთიერთობა და პარტნიორობა ასეთ მაღალ დონეზე არასდროს ყოფილა“.

კაკო კოპალიანი:

„ამერიკელებს შავ ზღვაში რა უნდათ, არ ვიცი, მაგრამ

რამ მამუკა ხაზარაძის არც ერთი სიტყვის არ მჯერა, ეს არის მატყუარა ადამიანი, რომელსაც წლების განმავლობაში უამრავი ვინმე ჰყავს მოტყუებული“.

სოფია ზურაბიანი:

„ამერიკის შეერთებული შტატები გახლავთ ჩვენი უმთავრესი პარტნიორი, ჩვენ ისე როგორც არასდროს, დღეს გვაქვს ძალიან მჭიდრო თანამშრომლობა სხვადასხვა მიმართულებით, ეს იქნება უსაფრთხოება, ეკონომიკა, თუ ეს იქნება სახელმწიფო ინსტიტუტების გაძლიერების მიმართულება, გვაქვს სრული მხარდაჭერა. სიტყვათა წყობა, რომელიც მამუკა ხაზარაძემ გამოიყენა, არის მისი, თუმცა, დიდი მნიშვნელობა აქვს ამას, ვინ ამბობს. სად იყვნენ აქამდე? რატომ არ საუბრობდნენ ამ პრობლემაზე? დღეს ისეთ საკითხებზე დაინწყეს საუბარი, რაზეც ჩვენთან ყოფნის დროს არასდროს უსაუბრიათ. ჩვენ თუ დავაკვირდებით, ბოლო თვეებში მამუკა ხაზარაძის განცხადებებს ვნახავთ, რომ ყოველთვის ყოველგვარ მტკიცებულებებს მოკლებულია მისი საუბარი. როდესაც სახელმწიფო თავის ვალდებულებებს პირნათლად ასრულებს ანაკლიის პორტთან მიმართებაში, ხოლო კომპანია დაკისრებულ ვალდებულებებს ვერ ასრულებს, აქ კითხვის ნიშნები ზედმეტია. ვერ წარმომიდგენია, სახელმწიფომ რა უნდა გააკეთოს, რადგან „ანაკლიის განვითარების კონსორციუმმა“ კონკრეტული შედეგი ვერ დალო. ამის შემდეგ გადანწყვიტეს, რომ საკითხისთვის პოლიტიკური მიმართულება მიეცათ, თუმცა, ეს მათი გადაწყვეტილებაა. არგუმენტების გარეშე საუბარი ვფიქრობ, რომ ჭორაობაა. სტრატეგიულად რომ უმნიშვნელოვანესია ანაკლიის პორტის მშენებლობა, არის ერთმნიშვნელოვანი და ეს კონკრეტული ნაბიჯებით არის დადასტურებული, მეორე მხარე კი თავის ვალდებულებებს ვერ ასრულებს და ცდილობს, ისრები სხვა მხარეს გადაქაჩოს“.



რუსეთმა ორ ავიაკომპანიას საქართველოში რეისების განხორციელების უფლება მისცა. აქედან გამომდინარე, გაჩნდა საფუძვლიანი მოსაზრება, რომ ორ ქვეყანას შორის ავიაშიმოსვლა მაღალ ადგილზეა. ჯერჯერობით ოფიციალურ დონეზე ამ ინფორმაციას არც ერთი ქვეყნის წარმომადგენელი არ ადასტურებს, თუმცა მეზობელი ქვეყანა რომ მსგავს გადაწყვეტილებას ტყუილუბრალოდ არ მიიღებდა, ეს ყველამ კარგად იცის.

რუსეთის საჰაერო ტრანსპორტის ფედერალური სააგენტოს გადაწყვეტილებით, ავიაკომპანია „სიბირს“ და „გლობუსს“ მოსკოვიდან ქუთაისის აეროპორტში ავიაშიმოსვლის უფლება მიეცა. ოფიციალური დოკუმენტი ფედერალური სააგენტოს ვებ-გვერდზეა გამოქვეყნებული. დოკუმენტის მიხედვით, რუსულ ავიაკომპანიებს ქუთაისის მიმართულებით კვირაში შვიდი რეისის განხორციელების შესაძლებლობა ექნება. როგორც რუსულ მედიას საჰაერო ტრანსპორტის ფედერალურ სააგენტოში განუცხადეს, ნებართვის მიცემა არ ნიშნავს იმას, რომ რეისების

დაწყება უკვე გადაწყვეტილია. რუსეთმა საქართველოს მიმართულებით ავიაკომპანიებს რეისების განხორციელება მიმდინარე წლის 8 ივლისის ბრძანებით აუკრძალა. მიზეზი თბილისში დეპუტატ სერგეი გავრილოვის ვიზიტის წინააღმდეგ გამართული მასშტაბური საპროტესტო აქციები გახდა. მოსკოვიდან ფრენის შესაძლო ალტერნატივად დავკვირებით საქართველოს სამოქალაქო ავიაციის სააგენტოში კომენტარს ვერ არ აკეთებენ. სამაგიეროდ, ფაქტს უკვე გამოეხმაურა ეკონომიკის მინისტრი ნათია თურნავა, რომელმაც არ დაადასტურა ოფიციალურ დონეზე საკითხის გადაწყვეტა. „ცნობილია ჩემი დამოკიდებულება ამ საკითხისადმი. არაერთხელ გვითქვამს, რომ ჩვენ მხოლოდ და მხოლოდ მივესალმებით, თუ რუსეთის ოფიციალური წრეები გადახედავენ მიღებულ გადაწყვეტილებას და აღდგება პირდაპირი

რუსეთთან ავიაშიმოსვლა იწყება

ორ რუსულ კომპანიაზე ნებართვა უკვე გაიცა

საჰაერო მიმოსვლა საქართველო-რუსეთს შორის. რა ფაქტზეც მიწვევს კომენტარის გაკეთება, ეს გავრცელდა რუსულ მედიაზე დაყრდნობით და ჯერჯერობით არ ნიშნავს ფრენების აღდგენას. ამისთვის არსებობს მთელი რიგი ფორმალური პროცედურები და ჩვენ საჰაერო ადმინისტრაციას არ მიუღია რაიმე სახის შეტყობინება, რომ ფრენები აღდგენილია. აქედან გამომდინარე, ვერ დავადასტურებ, რომ ეს არის ფრენების აღდგენა, მაგრამ ვიმეორებ ჩვენ მივესალმებით, თუკი ეს გადაწყვეტილება იქნება მიღებული“; – განაცხადა ნათია თურნავამ.

სხვათა შორის, რამდენიმე წლის წინ, როდესაც საქართველო-რუსეთს შორის პირდაპირი ავიარეისების შესრულება აღდგა, სწორედ „სიბირი“ იყო ერთ-ერთი პირველი ავიაკომპანია, რომელმაც საქართველოში რეისების განხორციელება დაიწყო.

ზამა დანილია

მილით მკლოლავო, მილით... რას უფრო გეზს დაარღვევთ, მით უკეთესი!

საბჭოთა წესების დარღვევისთვის სახელმწიფომ მძღოლებისგან 2019 წელს, მხოლოდ 6 თვეში 62 804 915 მილიონი ლარი ამოიღო. აქედან, 30 927 677 მილიონი ლარი მხოლოდ ვიდუოჯარიმებზე მოდის. „2020NEWS“-მა შს სამინისტროდან ადმინისტრაციულ სამართალდარღვევათა კოდექსით გათვალისწინებული ჯარიმების ბოლო წლების სტატისტიკა გამოითხოვა და როგორც მონაცემებიდან ჩანს, საგზაო წესების დარღვევისთვის ჯამში, სახელმწიფომ მძღოლებისგან 459 661 439 მილიონი, თითქმის ნახევარი მილიარდი ლარი მიიღო.

მონაცემებიდან ირკვევა, რომ ჯარიმების რეკორდი 2018 წელს მოიხსნა. სამართალდამცავებმა გასულ წელს 90,931,488 მილიონი ლარის ჯარიმა გამოწერეს და ავტომანქანების მფლობელმა მძღოლებმა გადაიხადეს. აქედან 36,294,883 მილიონი ლარი ვიდუოჯარიმებზე მოდის. დიდი ალბათობით, წელს 2018 წლის „რეკორდი გაუმჯობესდება“, რადგან მიმდინარე წელს, მხოლოდ 6 თვის მონაცემების მიხედვით, თითქმის 63 მილიონი ლარის ჯარიმები უკვე გამოწერილია. ტენ-

დენციის მიხედვით თუ ვიმსჯელებთ, წლის ბოლოსთვის ეს ციფრი გაორმაგდება და 100 მილიონ ლარს საგრძნობლად გადააჭარბებს.


შს სამინისტროს მიერ მოწოდებული მონაცემების მიხედვით, ავტოსატრანსპორტო საშუალებების მფლობელებმა 2017 წელს ჯარიმებში 59,178,140 მილიონი ლარი გადაიხადეს, აქედან 6,405,846 მილიონი ვიდუოჯარიმებში; 2016 წელს საერთო ჯარიმების რაოდენობამ 56,563,990 მილიონი ლარი შეადგინა, აქედან ვიდუოჯარიმებზე 7,720,460 მილიონი ლარის გადახდა მოხდა. 2015 წელს 61,263,323 მილიონი ლარი გადაიხადეს დამრღვევმა მძღოლებმა და აქედან 8,330,908 მილიონი ვიდუოჯარიმებზე მოდის. 2014 წელს ეს ციფრი 61,066,594 მილიონს შეადგენდა და აქედან 10,562,285 მილიონი ლარი ვიდუოჯარიმებიდან ამოიღეს. 2013 წელს მძღოლები 67,852,986 მილიონი ლარით დაჯარიმდნენ, საიდანაც 12,579,129 მილიონი ვიდუოჯარიმებზე მოდის. 2012 წელს, ვერ კიდევ „ნაციონალური მოძრაობის“ მმართველობის ხანაში, ად-

სახელმწიფომ მძღოლებისგან ნახევარი მილიარდი ლარი ამოიღო

მინისტრაციული სამართალდარღვევებისთვის, 40,371,041 მილიონი ლარის ჯარიმები გამოიწერა და აქედან 8,023,971 მილიონი ლარი ვიდუოჯარიმებზე მოდის. 2011 წლის მონაცემების მიხედვით კი – ჯარიმებში მძღოლებმა 63,938,713 მილიონი ლარი გადაიხადეს და აქედან 3,011,771 მილიონი ლარი ვიდუოჯარიმებზეა.

საგულისხმოა, რომ 2017 წლის 1 ნოემბრიდან ვიდუოჯარიმების აღსრულების ახალი წესი ამოქმედდა, რასაც ავტომობილების მძღოლებისთვის უნდა გაემარტივებინა კანონდარღვევის შესახებ ინფორმაციაზე წვდომა და 10 სამუშაო დღეში გადახდის შემთხვევაში, სავალდებულო საურავზე 20%-იანი შელავათით ისარგებლებდა. 2019 წლის მონაცემებით, მძღოლების მიერ 20% შელავათით სარგებლობის 354 546 ფაქტი აღირიცხა, რომელთა რაოდენობამ, მიმდინარე წლის ორი კვარტალის მონაცემით, 13 276 923 ლარი შეადგინა. ცნობისთვის, 2018 წლის დასაწყისში, მთელი ქვეყნის მასშტაბით, 170 ვიდუოჯარიმერა ფუნქციონირებდა. ამჟამად კი, მთელი ქვეყნის მასშტაბით – 2204 ვიდუოჯარიმერა მოქმედებს. მათ შორის 829 ნომრის ამომცნობია, 1375 კი ზოგადი ხედვის კამერაა.

კოპაბიტატიის შედეგები და ბრძოლა წესების გარეშე, როცა დაუსჯელი „დასასჯელები“ თბონენგების დასჯაზე დისკუსიის ლეგიტიმაციას ცდილობენ... და კიდევ, „გაცნობიერებული გადაწყვეტილების“ აღიარება, ეს ის თემებია, რომელზეც პარტია „ქართული ოცნების“ პიარ-კონსულტანტმა ლაშა ნაცვილიშვილმა ტელეკომპანია „იმედი“ ეთერში ისაუბრა. გთავაზობთ ინტერვიუს ტექსტურ ვარიანტს.



აღძრულია რამდენიმე სისხლის სამართლის საქმე, ეს არის, თუ არ ვცდები, ვალერი გელაშვილის ცემის შეკვეთა – პოლიტიკური ანგარიშსწორების შეკვეთა. ასევე, ის არის მსჯავრდებული მართლმსაჯულებისთვის ხელის შეშლის ბრალდებით, გირველიანის მკვლელების შეწყალებაში.

„ქართუს“ გაკოტრების საქმე... ასევე არის სისხლის სამართლის საქმე რამდენიმე, 8 თუ 10 მილიონის ფლანგვაზე... ასევე არის ბადრი პატარკაციშვილის და ამ ტელევიზიის მიტაცებისა და ე.წ. მემორანდუმის საქმე, რომელშიც ბევრი მათგანი ფიგურირებს.

ნიკაბრო მელია, ეს კაცი, ხელზე სამაჯურით, იყო ორგანიზატორი პარლამენტზე მიტანილი ძალადობრივი შტურმის, ახლა მიდის მისი სასამართლო. ასე-

ლის სამართლებრივი დევნა არის პროკურატურის დისკრეციული უფლებამოსილება და არა ვალდებულება. სისხლის სამართლებრივი დევნა რომ დაიწყოს პროკურატურამ, უნდა არსებობდეს ე.წ. სრული ტესტი, მტკიცებულებითი ტესტი და საჯარო ინტერესის ტესტი. მტკიცებულებითი ტესტი არის ის, რომ უნდა არსებობდეს დანაშაული და უნდა არსებობდეს პიროვნება, რომელზეც დასაბუთებული ვარაუდის სტანდარტით შეიძლება დევნის დაწყება. ეს ტესტი ორივე შემთხვევაში, ბოკერისა და ბაქრაძის შემთხვევაში, ასევე ზოდელავას შემთხვევაში, რომელიც ასევე აქტიურობს სააკაშვილის მხრიდან, ყველა შემთხვევაში იყო გავლილი. მეორე ტესტი, ეს არის საჯარო ინტერესის ტესტი და როდესაც ჩვენ გადაწყვეტილებას ვიღებდით, პროკურორი როდესაც იღებს გადაწყვეტილებას დევნის დაწყების, ან არდაწყების თაობაზე, ის წონის, რომელი გადაწყვეტილება უფრო შედის საზოგადოების ინტერესში. თუ კონკრეტული პიროვნების სისხლის სამართ-

ლაშა ნაცვილიშვილი:

პოლიტიკური ოპოზიციის გადარჩენა იყო მისია „ქართული ოცნებისა“!

ლაშა ნაცვილიშვილი: ...მცირე შესწორებას შემოგთავაზებთ – მოუკვლელი დათვის ტყავის შესახებ დისკუსია ქართულ და, ზოგადად, სამონადირეო ეპოსში მიღებული ამბავია, მაგრამ მონადირეები, რომლებიც ჯერ მოუკლავი დათვის ტყავს იყოფენ, მათ აქვთ პოტენციალი, რომ მოკლან დათვი, თუმცა ჩვენ ამ მხრივაც აბსოლუტურ გროტესკს ვაწყდებით, ე.ი. პოლიტიკური საქმეები ბრუტალური გაუპატიურებით იმუქრებიან. შეიძლება ამ დისკუსიაში დარჩენა და იუმორისტულად შეგვეფასებინა ეს დისკუსია, რომელიც წმინდა წყლის კრიმინალურ შორის იმართება. იმის მიუხედავად, რომ „ნაციონალური მოძრაობა“ თავისი არსით, ბუნებით, წარსულით, აწმყოთი და, სამწუხაროდ, მომავლითაც არის დანაშაულებრივი და მავნებელი პოლიტიკური ძალა, მაინც ვფიქრობ, რომ ჩვენ ვალდებული ვართ, საზოგადოებას ვუთხრათ, რასთან გვაქვს საქმე. რა თქმა უნდა, ეს არის პიარ კამპანია, ეს არის ერთგვარი პიარ-ტექნოლოგიური სრიკი, პიარ-ტექნოლოგიური გეგმა. მე მგონი, ვიცნობ კიდევ ამ გეგმის ავტორს, მაგრამ ახლა პერსონალიზებზე რომ არ შეგერდეთ, თუ საშუალება მაქვს იმაზე ვისაუბრებ, რა არის ამ გეგმის, ასე ვთქვათ არსი, მიზანი და ამოცანა.

მცდელობა არის უტიფრობა და ცინიზმი. მათ ვერაფერი ვერ ისწავლეს და ვერაფერი ვერ დაივიწყეს. მათი პოლიტიკური წარსული არის მათი ამ პიარ-ტექნოლოგიური გეგმის განხორციელების გზების მთავარი ზღუდე და ბარიერი. რაც შეეხება ზუსტად ამ პიარ-ტექნოლოგიურ ბაზისზე დაშენებულ ზედნაშენს – დისკუსიას „ქართული ოცნების“ თავმჯდომარის, დამფუძნებლის და წევრების საჯაროდ გასამართლების თაობაზე – წარმოვიდგინოთ, ასეთი ძალიან უხეში ანალოგია. **ნიურნბერგის პროცესის დროს გერინგი და კეიტელი განიხილავდნენ, როგორ უნდა დასაჯონ ეიზენშაუერი. ამის მსგავსი სხვა ანალოგი მე არ მახსენდება.**



ჩემი აზრით, პიარ-ტექნოლოგიური სრიკი, ეშმაკი ჩაბუდებული ამ დისკუსიაში არის ეს გადაძახილი: „ჩვენ არ უნდა დავიჭიროთ!“ და მერე იქიდან გადმოძახილი, ექო, რომ, ჩვენ ესენი უნდა დავიჭიროთ!“ ეს არის მცდელობა, მოახდინონ ამ დისკუსიის ლეგიტიმაცია. თითქოს, ერთი მხრივ, ბოკერისა და, მეორე მხრივ, სააკაშვილის შორის ლეგიტიმურია დისკუსია იმის თაობაზე, თუ როგორ უნდა დასაჯონ მათ ივანიშვილი. ეს არის ერთგვარი „ოვერტონის ფანჯარა“, რომ მათ ლეგიტიმურ პოლიტიკურ სივრცეში შემოიტანონ დისკუსია ამის თაობაზე, როცა ისინი მოვლენ ხელისუფლებაში, რაც, ალბათ, ძალიან მძიმე სიზმარშიც წარმოუდგენელია როგორც საზოგადოებისთვის, ასევე მათთვის. თუმცა მათ უკვე შეიძლება, სჯერათ, იმდენად ჩაკეტილ წრეში არიან, რომ შეხედავ, რალაცნაირად შეპყრობილებს ჰგვანან, ვიდრე რაციონალურ პოლიტიკურ მოთამაშეებს. მაგრამ, ამ დისკუსიის ლეგიტიმაციას შეიძლება ასევე ხელი შეუწყოს „ქართული ოცნების“ მხარდამჭერებისა და საკუთრივ „ქართული ოცნების“ სპიკერების გულწრფელმა აღმოფხვრებამ.

ვე, მიმდინარეობს მეორე სასამართლო, სახელმწიფოს მიტაცების მეორე კლასიკური შემთხვევიდან, ეს არის „ქართუს“ გაკოტრების საქმე. ვის ეთერში განიხილავენ ამას, ეს დისკუსია სად მიდის? ეს დისკუსია მიმდინარეობს ერთ-ერთი ტელეკომპანიის ეთერში, რომლის დამფუძნებელი, დირექტორი, უცვლელი იდეოლოგიური ლიდერი თვითონ არის ბრალდებული გაფლანგვაში და კომერციულ მოსყიდვაში, ანუ კორუფციულ დანაშაულში. გადახედეთ მესამეს, მეოთხეს, მეხუთეს – ვისაც გინდათ, ვისაც მიადგებით... **გიგა უგუღავა ორ საქმეზეა გასამართლებული...**

ის, რომ **გიგა ბოკერის** მიმართ სისხლის სამართლებრივი დევნა არ განხორციელებულა, ან არ დაწყებულა სისხლის სამართლებრივი დევნა ქართული სოციოლოგიური კვლევების უცვლელ ფანტომურ ლიდერზე, მისტიურ კაცზე **დათო ბაქრაძეზე**, არ ნიშნავს, რომ ისინი არ არიან კრიმინალები. მე სრული პასუხისმგებლობით, როგორც ყოფილი მთავარი პროკურორი, გეუბნებით, რომ ამ ხალხის მიმართ სისხლის სამართლებრივი დევნა არ იქნა დაწყებული გაცნობიერებულად და პროკურატურის კანონით დადგენილი დისკრეციის ფარგლებში.

პატარა ექსკურსს ვავაკებთ, სისხ-

ლებრივი ინტერესი გადანონის სხვა საჯარო ინტერესს, დევნა ყველა შემთხვევაში უნდა განხორციელდეს. მაგრამ თუ არსებობს სხვა უფრო მაღალი საჯარო ინტერესი და ის გადანონის კონკრეტული პირის დასჯის ინტერესს, მაშინ პროკურორი უფლებამოსილია და შეიძლება ითქვას, ვალდებულიც არის, განახორციელოს დევნა!

საჯარო ინტერესი რაოდენ ბანალურადაც არ უნდა აღვრდეს, ეს არის ქვეყნის დემოკრატიული და სტაბილური განვითარება. ეს არის ყველაზე დიდი საჯარო ინტერესი, რომელმაც გადანონა კონკრეტული ადამიანების დასჯის ინტერესი, იმიტომ, რომ სისხლის სამართლის საქმეები, რომლებშიც ისინი იყვნენ მხილებულნი, მაგალითად, დათო ბაქრაძე, რომელსაც 261 ათასი გირვანქა სტერლინგი ჰქონდა დამალული ერთ-ერთ ინგლისურ ბანკში, არ ჰქონდა დეკლარირებული, ფულის გათეთრებით მიმდინარეობდა მის მიმართ გამოძიება. ერთი ნაბიჯი არის დარჩენილი, თუ პროკურორი მიიღებს გადაწყვეტილებას, დაიწყება დევნა. იგივე გიგა ბოკერია, მოუსყიდველის და რალაც ებერისტული რიტორიკით რომ გველაპარაკება, უხორციო იდეოლოგიის, ეს არის ბანალური ხაზინის ქურდი. ეს არის უშიშროების საბჭოს მდივნობის დროს ათე-

პირველი, ეს არის გეგმა, მოკლედ რომ ვთქვათ, „ნაციონალური მოძრაობის“ ორი ფრთა მოჩვენებითად გაემიჯნოს ერთმანეთს, რათა მოიცვას ოპოზიციურად განწყობილი ელექტორატის უფრო ფართო სპექტრი. კლასიკური ლიბერალები დაიტოვოს ბოკერისა მიმართულ ბრძოლა, ხოლო, ასე ვთქვათ, ტრადიციონალისტები მოიცვას მიხეილ სააკაშვილმა და მოკლედ რომ ჩამოვაცალობოთ, ამოცანა ის არის, რომ ჩვენ და საზოგადოებამ უნდა დავიჯეროთ, რომ ბოკერია ნაცი არ არის, ხოლო მიხეილ სააკაშვილი არის ეროვნული ტრადიციებისა და მართლმადიდებლობის მცველი, მართლმორწმუნე ქრისტიანი, რომელიც პრაქტიკულად, იმდენად ერთგულია ტრადიციული დისკუსიის, რომ ის გადის ლიბერალური ნარატივიდან... ეს ამოცანა თავისი არსით შეუსრულებელია, როგორცაა ძლიერმა პიარ-ტექნოლოგებმაც არ უნდა დაგეგმონ და როგორც არ უნდა სცადონ ამის განხორციელება, ამას წინ უდგას არა „ქართული ოცნების“ საპირისპირო პიარი, არამედ ისინი არიან საკუთარი წარსულის მძევლები. ნახეთ იმ ძალისხმევაში, რომელსაც ისინი ხარჯავენ, რომ ქართველი ხალხი დაარწმუნონ, თითქოს ერთი მართლმორწმუნე ქრისტიანია, ხოლო მეორე შემწყნარებლობის და ლიბერალობის, ასე ვთქვათ, ყველაზე ჰუმანური პოლიტიკური დისკუსიის ავტორი. **ნახეთ, როგორ პრიმიტიულად, როგორ თავხედურად და უტიფრად სთავაზობენ საზოგადოებას. ტელეთერებში გაითამაშებენ რალაც სპექტაკლს, იმაში დარწმუნებულები, რომ ქართველი ხალხი ამას დაიჯერებს, რომ ამ ხალხს ყველაფერი შეიძლება აკადრო. საკუთრივ ეს**

ეს არის ამოცანა, რომ აქ შევიდეთ, მაგრამ ვინაიდან ეს დისკუსია რალაცნაირად საჯარო სივრცეში შემოვიდა, ჩვენ ვალდებული ვართ, ვთქვათ: „ვინ ლაპარაკობს ვის დაჭერაზე“? ეს არის თავიდან ბოლომდე დანაშაულებრივი პოლიტიკური ძალა და უკლებლივ ყველა ფიგურანტი არის პანოპტიკუმი. სააკაშვილიდან ბოკერიამდე უკლებლივ ყველა სისხლის სამართლის დანაშავეა, ესენი არიან კრიმინალები. მოდი, ჩამოვთვალოთ:

მიხეილ სააკაშვილი – იგი გასამართლდა და არის მსჯავრდებული,

ყოველი ჩვენგანის პროფესიულ არჩევანს სხვადასხვა ფაქტორი განაპირობებს: ნიჭი, მიდრეკილება, სასიათის თავისებურება, ოჯახური გარემო, აღზრდა, სკოლა... ნათქვამია, ყველა ადამიანს თავისი მთავარი მამოძრავებელი, მიზანმიმართული ძალა აქვს, რაზეც ხელს ვერაფერ ვერ ააღებინებს. ბატონი ელგუჯა ნოზაძის ეს ძალა მოვალეობის გრძნობაა, რაც ცხოვრების გზაზე მის მიერ გადადგმულ ყოველ ნაბიჯს თან ახლავს. ეს გზა კი, შრომისმოყვარე, ჭეშმარიტი ადამიანური ფასეულობების ერთგული მშობლების – სეთი ნოზაძისა და მარიამის მიერ საძირკველჩაყრილი ოჯახიდან იღებს სათავეს.

საჩხერის რაიონის სოფელ ლიჩში დაბადებულმა ყმანვილმა საშუალო სკოლაც იქვე დაამთავრა. არაჩვეულებრივი პედაგოგები საგნის გარდა ყმანვილებს სიკეთის თესვას, მოყვასის თანადგომას, უფროსების პატივისცემას, ქვეყნის ერთგულებას ასწავლიდნენ. ოჯახსა და სკოლაში ნასწავლ-შესისხლხორცებული ფასეულობები, ჭეშმარიტებები და მოვალეობები ნიჭიერმა, მიზანსწრაფულმა და შრომისმოყვარე ჭაბუკმა ცხოვრების გზაზე საგზაოდ გაიყოლა. 1963 წელს, არმიიდან დაბრუნებისთანავე, საქართველოს პოლიტექნიკურ ინსტიტუტში ავტომატიკატელემექანიკის ფაკულტეტზე ჩააბარა. წარჩინებით კურსდამთავრებულმა 1968 წელს თბილისის მეტროპოლიტენში კავშირგაბმულობის სამსახურის მთავარი ინჟინრის თანამდებობაზე დაინიშნა.

უდავოა, დიდკაცობას კარგი კაცობა სჯობს, კარგ კაცობას კი – კარგი მამულიშვილობა. 1983 წელს, მაშინ, როცა თითქმის მთელი საქართველოში ბიზნესი და, კერძოდ, ფერმერობა ბევრისთვის უცხო ხილი გახლდათ, ბატონმა ელგუჯამ მუხრანის შესასვლელთან, ნაგავსაყრელზე მეფრინველეობის ფაბრიკა ააშენა და ამ საქმეში მთელი ენერჯია, სული და გული ჩადო.

პროფესიონალი განსწავლულ, თავისი საქმის ღრმად მცოდნე, ერთდროულად ადამიანს ნიშნავს, რომელმაც ყოველთვის იცის, რა მიზანი აქვს დასახული და რისთვის იღვწის. იცის, როგორ მიაღწიოს სასურველ შედეგს, შედეგს, რომელიც მოეთხოვება, როგორც პროფესიონალს. არადა, სწორედ ასეთი საქმიანი ადამიანების მხრებზე დგას ჩვენი ქვეყნის სახელმწიფოებრიობა, ისინი ქვეყნის აღმშენებლობას ეწევიან და, შესაბამისად, სახელმწიფო ბიუჯეტის ძირითადი მასაზრდოებლები არიან.

ელგუჯა ნოზაძემ არაერთი უძილო ღამისა და დიდი შრომის ფასად სასურველ წარმატებას მიაღწია, მკაცრ კონკურენტციას გაუძლო და ქვეყანაში საუკეთესო პროდუქციის მწარმოებლის სახელი დაიმკვიდრა. საქართველოს შიდა ბაზარი ვერ აუღის „მუხრანული“ ქათმის რეალიზებას, რომელიც თავისი ხარისხითა და გემოთი პირველობას არავის უთმობს.

ჩვენს საწარმოში გერმანული კომპანია TUV.SUD-ის მიერ დანერგულია ISO 22000 სტანდარტი, რაც მენეჯმენტის უახლეს სისტემასა და სურათის უვნებლობის HACCP სისტემას აერთიანებს. ამასთანავე, ჩვენი პროდუქცია ოფიციალურ ლიცენზირებულ ლაბორატორიაში მოწმდება და ქსელში ფრინველის ხორცის მიწოდება მხოლოდ ამის შემდეგ ხდება.

თითოეულ ობიექტზე ხარისხიანი და უვნებელი პროდუქციის მიწოდებაზე ჩვენ ვაბაძებ პასუხს,

სოლო ფრინველის ხორცის შესაბამის პირობებში შენახვასა და მომხმარებლისთვის უვნებელი პროდუქციის მიწოდებაზე სავსებრო ობიექტში პასუხისმგებელი. ბარნაშენებში, ისინი არასოდეს იღებენ დაზიანებულ პროდუქციას, ამასთან, მიღებისას ხდება პროდუქტის ვიზუალური შემოწმება და ხარისხის დამადასტურებელი შესაბამისი დოკუმენტაციის გადაცემა. თუ ეს ყველაფერი არაა დამაკმაყოფილებელი, პროდუქტია მომხმარებელამდე ვერ მიაღწევს, – გვითხრა ბატონმა ელგუჯამ.

...ღირსების ორდენის კავალერმა

„წინაპართაგან მომდგამს, რომ კაცობისა და სიბერის ბზისთვის არ უნდა მელაღატა“ ...

ჭეშმარიტი მამულიშვილი: ბიზნესმენი, ფარმარი ელგუჯა ნოზაძე – 80



(2003 წ.) და საუკეთესო ბიზნესმენად ორგზის აღიარებულმა (2001 და 2002 წ. წ.) ელგუჯა ნოზაძემ მეუღლესთან, ქალბატონ ნანული კურტიანიძესთან ერთად, რომელიც მისი ცხოვრების მყარი და საიმედო დასაყრდენია, სამაგალითო ოჯახი შექმნა. „ნანულის ოპტიმიზმმა გაგვაძლიერა და გაგვაზრდევინა სამი შვილი – მარინა, მადონა და მამუკა. სამივე დაოჯახებულია.

სწორედ ჩემი მეუღლის ერთგულებითა და ხელშეწყობით მივალწიე ყველაფერ იმას, რაც დღეს, როგორც მეწარმესა და ჩემი ქვეყნის ერთერთ რიგით მოქალაქეს, გამაჩნია“ – ამბობს ბატონი ელგუჯა.

მისი იმედი, ტრადიციების გამგრძელებელი, სილაღე და სისხლის ყივილი ექვსი შვილიშვილია – ელგუჯა (გუჯა) და გიორგი ნოზაძეები, ნანა და ირაკლი ჩიხლაძეები, კესო და ელენე გიორგაძეები. იმედი აქვს, შვილთაშვილები კიდევ შემემატებიანო...

რელიგიური აღმსარებლობით აღზრდილი ბატონი ელგუჯა მოყვასის თანამდგომი, ერთგული, მიმტევებელი, თავმდაბალი და თავაზიანია. ამ

საცხოვრებლად გიორგის ძმაც – ანტონ ნოზაძეც გადმოსულა. ისიც მღვდელი გახლდათ.

ქმების მიერ დათესილი სიკეთე და მოძმეთა თანადგომა ხეობაში დღესაც ახსოვთ და მათი საქმიანობისა და მოღვაწეობის შესახებ ხშირად საუბრობენ. ასევე, ძალიან ცნობილი ქალბატონი გახლდათ გიორგი ნოზაძის მეუღლე კესარია, რომელიც ცნობილი მკურნალი და მალამოების დამზადების ნამდვილი დიდოსტატი იყო. მის სასწაულმოქმედ წამლებს არაერთი უიმედო ავადმყოფისთვის დაუბრუნებია ჯანმრთელობა. მისი საქმიანობის შესახებ, ერთი მეტად საყურადღებო ფაქტია ცნობილი: თურმე, ხეობაში ტიფის ეპიდემია გავრცელებულა, ქალბატონ კესარიას ყველა ავადმყოფი გადაურჩენია, თუმცა, ეს სენი მასაც შეჰყურია. მართალია, საკუთარი წამლებით თავადაც განიკურნა, მაგრამ უეცრად გარდაცვლილა და წამლის დამზადების საიდუმლოც საფლავში წაუღია. გიორგის და კესარიას ცხრა შვილი ჰყავდათ. ერთერთი მათგანი, ბატონი ელგუჯას მამა სეთი სამამულო ომის ვეტერანი, კოლმეურნეობის ფინანსური განყოფილების გამგე და ძალზე აქტიური პიროვნება გახლდათ.

„ღრო ძალიან მაღე გავიდა... იცით, ჩემს ცხოვრებას თვალს დღევანდელი გადასახადიდან რომ გადავავალებ, რას ვფიქრობ? კავკასიონის მწვერვალები ხომ გინახავთ: ზოგი მაღალია, ზოგი – დაბალი. ჩემი ცხოვრებაც ასეა – სიმაღლეებიც იყო და ვარდებიც, მაგრამ სავალი გზიდან არასოდეს გადავიხვევია. წინაპრებიდან მომდგამს, რომ კაცობისა და სიბერის ბზისთვის არ უნდა მელაღატა. ამას მასწავლიდა მამაჩემი, რომელიც ჩემთვის წინ გააღოლილი მანათობელი ქვარია. ჩემი ცხოვრების კრძალ ქართული სულის ერთგულებას: მსურს, გულით, აზროვნებით, ყოფიარებით სამშობლოს ვეკუთვნოდე და მისი სიღიაღის მცირე კენჭი ვიყო ჩემი დიდო ოჯახით – მეუღლით, რომელსაც ვუძღვნი და ვუმაღლი ყოველ წარმატებას, შვილებითა და შვილიშვილებით. ჩემი ოცნება რეალუბის თანხვედრია და ფრთებს ამიტომ ვასხამ. ჩემი ჰოპი კი დიდი ხნის სიცოცხლეა, რათა საქართველოს ერთიანობას, ალორქინებასა და გაბრწყინებას მოვხსნო.“
ღმერთმა გისმინოთ, ბატონო ელგუჯა!

სიყვარულითა და პატივისცემით
მეგობრები, კოლეგები
და გუდაბ
კათილისსურველები.

ჯანმრთელად, მრავალშვილიერ!

ბაზით „საქართველოს რესპუბლიკის“ სარედაქციო კოლეგია მთელი გულით მიესალმება ჭეშმარიტ მამულიშვილს, ახალი, დამოუკიდებელი საქართველოს ეკონომიკურად გაძლიერებისა და გაღონიერებისთვის გარჯილ ერთერთ დიდად წარმატებულ ბიზნესმენს, ფრიად ხელხვაიან ფერმერს, ბატონ ელგუჯა ნოზაძეს თავისი სახელოვანი იუბილეს დღეებში. როგორც წერილში სამართლიანად არის აღნიშნული, სწორედ ასეთი საქმიანი მამულიშვილების მხრებზე დგას საქართველოს ეკონომიკა და სახელმწიფოებრიობა, ისინი მართლაც დაუღალავად ეწევიან ქვეყნის აღმშენებლობას და სახელმწიფო ბიუჯეტსაც ძირითადად ისინი ასაზრდოებენ.

მადლობა, ბატონო ელგუჯა, თქვენი საქვეყნო გარჯისთვის. გვჯერა, საუკუნემდე დარჩენილ ორ ათეულ წელიწადსაც ასევე მხნედ მოღუნავთ და თქვენი ფერმის ყველაზე ყოჩაღი მამალი უკვე გვარიადად ღონიერ ქართულ ბიზნესში თქვენი სიცოცხლის ნიშნად ახალ საუკუნეშიც გადაიყვებლენ!

გულწრფელი პატივისცემით
ბაზით „საქართველოს რესპუბლიკის“
სარედაქციო კოლეგია

„კუ იყო, თუნდა სვადია“...



„ეთერის პრია მარჯოშვიც აუღარდა“

ძარბაზი სპორტში კიდევ ერთი ვაკუუმი ამოივსო – 57 კილოგრამამდე წონით კატეგორიაში მოასპარეზე ეთერ ლიპარტელიანი პირველი ჩვენი თანამემამულეა, ვინც ძიუდოში მსოფლიოს ჩემპიონის ტიტული მოიპოვა. ეს ისტორიული მოვლენა მარაკეშის ტაბატაზე მოხდა.

ველს სეზონის შთამბეჭდავი დუბლის ავტორის (ერთი თვის წინათ იგი ევროპის ჩემპიონიც გახდა) მიერ მოგებული ბრძოლები გვაძლევს. დიას, ამ ერთი შეხედვით ბევრისგან არაფრით გამორჩეულმა, მაგრამ ფიზიკურად ბრწყინვალედ მომზადებულმა სვანმა ტალანტმა ხუთივე მეტოქე იპონებით დაამარცხა: ანდრეა კარმანი (უნგრეთი), კაია კაიზერი (სლოვენია), შენონ ვან დე მენდერგი (ჰოლანდია), მიმი ჰუპი (კორეა) და კანაკო ჰაკამატა (იაპონია). დაგვეთანხმებით, ღირსეულთა თანავარსკვლავედია. აქვე შეგახსენებთ, რომ უნინ მსგავსი მიღწევით სამბისტმა ნინო ოძელაშვილმა გვასახელა.

კობა კობახიძე

ხალხურთი

„ბათუმი“ - ორგზის!

საძარბაზო მთავარი მფლობელი მეორედ გახდა ბათუმის „შავი ზღვის ბიჭები“, რომელმაც ფინალში 27:20 დაამარცხა სახელბურთო კლუბი „ჭუთაისი“. საქართველოს თასის გათამაშება მეოთხედ გაიმართა. პირველი ტურნირი, 2014 წელს „სამტრედიაში“ მოიგო, შემდეგი სამი ფინალი კი ბათუმელთა მონაწილეობით გაიმართა. 2015 წელს მათ 20:19 დაამარცხეს სტუ, ხოლო შარშან 29:30 ნააგეს „პეგასთან“. ამ ორი ფილდოს გარდა, კლუბი საქართველოს სამგზის ჩემპიონია (2016, 2018, 2019).



ტულით დაგვირგინდა. ამ ორი კლუბის მეტოქეობა საქართველოს ჩემპიონატში გაგრძელდება, რომლის სტარტიც 5 ნოემბერსაა დანიშნული, იქამდე კი საქმეში ერთვება საქართველოს ეროვნული ნაკრები. ორშაბათიდან იგი მაკედონიაში შეიკრიბება, სადაც 25 და 26 ოქტომბერს ორ ამხანაგურ მატჩს გამართავს ამ ქვეყნის ეროვნულ გუნდთან.

ბაჟან დოლიძე

ელიტაში

ჩილირის მე-500!..



მოსკოვის ტურნირის – „კრემლის თასი“ 1/8-ფინალში მარინ ჩილირმა ივო კარლოვიჩი წა, 7:6 დაამარცხა და კარიერაში ერთეულთა თანრიგში მე-500 გამარჯვება მოიპოვა. ხორვატი მოქმედ ჩოგბურთელთა შორის მეათე მოთამაშეა, რომელმაც ამდენი შეხვედრა მოიგო. მომდევნო ეტაპზე ჩილირი ფერემი ჩარდის ეთამაშება. მოქმედ ჩოგბურთელებს შორის მოგებული მატჩების რაოდენობით ლიდერობენ: 1. როჯერ ფედერერი – 1229, 2. რაფაელ ნადალი – 967, 3. ნოვაკ ჯოკოვიჩი – 878, 4. ენდი მარეი – 666, 5. ტომას ბერდისი – 640, 6. ფერნანდო ვერდასკო – 544, 7. რიშარ გასკე – 537, 8. ტომი რობრედო – 533, 9. სტენ ვაგრინგა – 509, 10. მარინ ჩილირი – 500.

მანუშარ ბიორბაძე

ევროლიგა

შესანიშნავი შეხვედრა, ფანტასტიკური და კოლო

ევროლიგაში ზედიზედ მეორე მარცხი განიცადა თორნიკე შენგელიას „ბასკონიამ“, რომელსაც აშკარად ცუდი პერიოდი უდგას. ესპანური გუნდი ლიგა ენდესაშიც წარუმატებლად ირჯება და ვერც ევროლიგაში ეთამაშება ვარსკვლავებს

სამიდან ერთი სამქულიანი ჩააგდო. ჩვენებურის მარგი ქმედების კოეფიციენტი 23-ს გაუტოლდა. ნიშანდობლივია, რომ ეს ვიტორიელთა რიგებში საუკეთესო მაჩვენებელი იყო, ისევე როგორც მის მიერ ჩაგდებული 18 ქულა.

საერთოდაც, თორნიკე უსათუოდ მატჩის MVP გახდებოდა, რომ არა „ფენერბახჩეს“ ფრანგ ბლეიონერ ნანდო დე კოლოს ფანტასტიკური გარჯა. მან მართლაც დიდებული შეხვედრა ჩაატარა და 31 წუთში 39(!) ქულა, 3 მოხსნა და 3 პასი მიითვალა. დე კოლომ 15-დან 12 ორქულიანი, 6-დან 3 სამქულიანი და 7-დან 6 ჯარიმა ჩააგდო. შედეგად, მისი მარგი ქმედების კოეფიციენტი 44(!) შეადგინა. თორნიკე სწორედ მხოლოდ ნანდოს ჩამორჩა როგორც ქულების, ისე სარგებლიანობის მაჩვენებლით.



სხვათა შორის, თურქული გუნდის რიგებში, დე კოლოს გარდა, საუკეთესო შედეგი ლუიჯი დატომეს ჰქონდა – ოდენ 8 ქულა... შესაბამისად, თამამად შეგვიძლია ვთქვათ, რომ „ბასკონია“ უფრო დე კოლოსთან დამარცხდა, ვიდრე „ფენერბახჩესთან“. რაც შეეხება საქართველოს ნაკრების ნატურალიზებულ ნევრ მეტ ფენინგს, პარკეტზე 21 წუთი დაჰყო და 6 ქულასთან ერთად 2 მოხსნა და 1 პასი შეაშველა პარტნიორებს

„ბასკონიას“ ევროლიგაში სამი ტურის თავზე მოგებითა და ორი ნაგებით მე-13 ადგილი უკავია, ხოლო მომდევნო ტურში 25 ოქტომბერს პირველის „ოლიმპიკოსს“ უმასპინძლებს.

ვიტალი ჯაფარიძე

ლეგიონერები

მსპანურმა გამოცემა პართველები გამოარჩია

მაზანის „რუბინის“ ლეგიონერები ზურიკო დავითაშვილი და სვიან კვარაცხელია ესპანურმა გამოცემამ გამოარჩია. Fichajes-მა ქართველები რუსეთის პრემიერლიგის სუთ ტალანტ ფეხბურთელში შეიყვანა.



„დავითაშვილი „რუბინის“ მარჯვენა ფლანგის ოსტატი და ბატონი გახდა, რომელიც თავის ნიჭს შესანიშნავად იყენებს და ამის ხარჯზე ცენტრისკენ ზონებს სწორად ეძებს.

სვიან კვარაცხელია კიდევ ერთი ნიჭიერი ქართველი, რომელიც გამოირჩევა „რუბინის“ რიგებში, მაგრამ არა იმავე ავტორიტეტით, როგორც მისი თანამემამულე. რუსული გუნდის სასტარტო თერთმეტეულში ადგილი მან ვერ ვერ მოიპოვა“, – წერს ესპანური ვებ-გვერდი.

შეგახსენებთ, რომ მიმდინარე სეზონში დავითაშვილმა 9 მატჩში 1 გოლი გაიტანა, ხოლო კვარაცხელიამ ასევე ერთი გოლის გატანა 11 შეხვედრაში მოახერხა. ისიც უნდა ვთქვათ, რომ ზურიკომ მოედანზე 756 წუთი გაატარა, ხოლო სვიანმა – 485.

გიორგი შოთაძე

ინტერნეტიდან

თურქე, აკვადორელსა...



ველმზრივ ცდილობდნენ მათთვის თავის და სხვა რამე-რუმეების მოწონებას. თუმცა, მრავალთაგან იმარჯვა მხოლოდ ერთმა, რომელსაც მშობლებმა მისმა უწოდეს ნორმა და გვარი მისი არს ტყვედა.

მას შემდეგ, რაც მშვენიერი ნორმა ტყვედა მის ეკვადორის ტიტულს დაეუფლა, ცხადია, ამ გოგონასადმი ცხოველი დაინტერესება გაიზარდა და სრულიად ლათინური ამერიკის ბიჭ-ბუჭობამ ჭყიტა თავლები. არადა, როგორ გინდა მშვიდად იყო, როდესაც ეკვადორის დედაქალაქ კიტოში ცხოვრობ და ასეთი დიდებული ასულის მხილველი ხარ?!...

თუმცა, მშვენიერი ნორმას ფიქრნი სულ სხვა მამრს დასტრიალებს და ბევრი სხვა ასულის დარად, ამ გოგოსაც კრიტიკიანულ რონალდუ შეჰყვარებია. ბულვარული პრესის მოკალმეებთან გულდათუთქვით საუბრისას ნორმა ტყვედას უთქვამს, რომ მისი ოცნებაა კრიტიკიანულს გატანა, ხოლო ამ გაცნობას რაც შეიძლება მოჰყვეს, იმაზე კი აღარაფერი უთქვამს. ზოგჯერ ყველაფერი ისედაც გასაგებია...

როსტომ რაჭველიშვილი

სპეტიმსოვლობის მადლით აღსაყვებელი პოეტი და პუბლიცისტი, 90 წლის ცნობილი საზოგადო მოღვაწე ნანა ღვინევაძე ეს ახალი ლექსი გუშინ გამოგიგზავნა. ეს ნათელი სტრიქონები, როგორც ყოველთვის, საყვარელია და სიკეთით, საქართველოს წარსულისა და დღევანდლობის სიყვარულით...

მკითხველს სთამოვნებთ ვთავაზობთ ჩვენი მსოფლიო პოეტისა და ჟურნალისტის ამ ლექსს.

ნანა ღვინევაძე

გორგასალის მეფობაში!..

ვუძღვნი მშვენიერ შანიძეს

...გორგასალის სამეფოში იყო მზე და იყო მთვარე!.. იყვნენ ულამაზესები პირნიმუხი და პირნიმთვარე!.. გორგასალის სამშობლოში ქართლის მზე და ქართლის მთვარე!.. მზექალაობით გადანათდა დიდი საქართველოს მხარე!



სად არისო ეს ქვეყანა?! იკითხავენ შონიშორსო?! - სადაც კავკასიონია, არც ახლოს და არცა შონსო! სადაც იყო ამირანი, ვინაც სტუმრობს დღესაც შოვსო!.. საიდანაც ასხივოსნებს საქართველოს შონით შონსო! გაგვასხენებს საქართველოს სიქველეს და მართლაც შონსო!.. ამირან დარეჯანის ძე ახალ საქართველოს შოვსო!..

16.09.2019

რეზო გაბრიადის ანიმაცია ოსკარისთვის იბრძოლებს

რეზო გაბრიადის მოთხრობების მიხედვით გადაღებული ანიმაციური ფილმი „ჰარი-ჰარალე დედაო“ (ფილმის ინგლისური სახელწოდება REZO) ოსკარზე, საუკეთესო სრულმეტრაჟიანი ანიმაციური ფილმების კატეგორიაში, შორს ლისტში მოხვდა.



ამ კატეგორიაში სულ 32 სრულმეტრაჟიანი ანიმაციური ფილმია, მათგან საუკეთესოებს კი 2020 წლის 13 იანვარს გამოავლენენ და სწორედ ისინი გააგრძელებენ ფინალურ ბრძოლას ოსკარისთვის. „ჰარი-ჰარალე დედაო“ 2018 წელს მხატვრის, რეჟისორისა და მწერლის რეზო გაბრიადის მოთხრობების მიხედვით შეიქმნა. რეჟისორი რეზო გაბრიადის შვილი ლევან გაბრიადია.

ბოინგის ახალი დეფექტები

კომპანია Boeing-მა Boeing 737 Next Generation მოდელის საპროტოტიპო ფიგურულად ფრთის სამაგრი, ხარვეზი აღმოაჩინა. აღნიშნულის შესახებ ინფორმაციას USA today ფედერალურ საავიაციო ადმინისტრაციაზე (FAA) დაყრდნობით ავრცელებს. ხარვეზი შემონმეხული 686 თვითმფრინავიდან 36-ს დაუფიქსირდა. FAA-ს მონაცემებით, ბზარმა დეტალში, რომელსაც „კიტის ჩანგალი“ ეწოდება, შესაძლოა მთლიანობის დარღვევა და თვითმფრინავზე კონტროლის დაკარგვა გამოიწვიოს.



ღვინევაძე

მოციქული თომა

წმიდა და ყოვლადქმედელი

9 ოქტომბერს საქართველოს წმიდა მართლმადიდებელი სამოციქულო ეკლესია იხსენიებს მაცხოვრის ერთ-ერთ ათორმეტ მონაფეთაგანს – თომას. წარმოშობით იგი გალიელიდან იყო, პანეაღიდან, მისდევდა მეთევზეობას. მას არ სჯეროდა უფლის მონაფეთების მტკიცება ქრისტეს აღდგომის შესახებ.



ცნობილია, რომ ბრწყინვალე შვიდული თომას კვირის მერვე დღეს სრულდება, რომელიც ამის გამო ძველთაგანვე დიდ დღესასწაულად ითვლებოდა, როგორც პასქალური დღის ერთგვარი შეცვლა, განმეორება. ამის გამო ეს დღე იწოდებოდა ახალ კვირად, განსაკუთრებით კი თომას წინაშე, რომელმაც მხოლოდ უფლის ჭრილობების ხილვის შემდეგ ირწმუნა მისი აღდგომის ჭეშმარიტება.

საგულისხმოა ისიც, რომ თომა სწორედ ამის შემდეგ გახდა სხვა მონაფეთებზე მეტად მორწმუნე... საეკლესიო გადმოცემების თანახმად, თომა მოციქულმა დააარსა ქრისტიანული ეკლესიები პალესტინაში, მესოპოტამიაში, პართიაში, ეთიოპიაში და ინდოეთში.

სახარების ქადაგება თომა მოციქულმა აღბეჭდა თავისი მონაფეთივი აღსასრულით... მისი წმიდა ნაწილები დაცულია ინდოეთში, უნგრეთსა და ათონზე.

გიული ლიპარტიანი

მსოფლიოს ყველაზე დატვირთული აეროპორტები

აშშ-ის ქალაქ ატლანტის ჰარტსფილდ-ჯექსონის საერთაშორისო აეროპორტი 2018 წლის ყველაზე დატვირთულ აეროპორტად დასახელდა. აეროპორტების საერთაშორისო საბჭოს (Airports Council International) მონაცემებით, გასულ წელს ატლანტის აეროპორტის მგზავრთნაკადი 3,3%-ით გაიზარდა.

მსოფლიოს მასშტაბით, მგზავრთნაკადი 6,4%-ით გაიზარდა და 8,8 მილიარდი ადამიანი შეადგინა. მათივე ცნობით, 2008 წელს 16 წელიწადში 40 მილიონზე მეტ მგზავრს 16 აეროპორტი ემსახურებოდა, ახლა კი მათი რიცხვი 54-მდეა გაზრდილი.

ბოლო სამი წლის განმავლობაში ყველაზე დატვირთული აეროპორტების სიის პირველი სამეული უცვლელი რჩება. მეორე ადგილზე პეკინის საერთაშორისო აეროპორტი „შოუდუ“, მესამეზე კი დუბაის საერთაშორისო აეროპორტი იმყოფება. სიის პირველი ათეული ასე გამოიყურება:



1. ატლანტის ჰარტსფილდ-ჯექსონის საერთაშორისო აეროპორტი (ჯორჯია, აშშ) – 107,4 მილიონი მგზავრი;
2. პეკინის საერთაშორისო აეროპორტი (ჩინეთი) – 101 მილიონი;
3. დუბაის საერთაშორისო აეროპორტი (არაბთა გაერთიანებული საამიროები) – 89,1 მილიონი;

4. ლოს-ანჯელესის საერთაშორისო აეროპორტი (კალიფორნია, აშშ) – 87,5 მილიონი;
5. ტოკიოს შანედას აეროპორტი (იაპონია) – 86,9 მილიონი;
6. ჩიკაგოს ო'ჰარეს საერთაშორისო აეროპორტი (ილინოისი, აშშ) – 83,2 მილიონი;
7. ლონდონის ჰითროუს აეროპორტი (გაერთიანებული სამეფო) – 80,1 მილიონი;
8. ჰონგ-კონგის საერთაშორისო აეროპორტი (ჩინეთი) – 74,5 მილიონი;
9. შანხაის პუდუნის საერთაშორისო აეროპორტი (ჩინეთი) – 74 მილიონი;
10. პარიზის შარლ დე გოლის სახელობის აეროპორტი (საფრანგეთი) – 72,2 მილიონი.

საქართველოს რესპუბლიკის მთავრობის ვებ-გვერდი

საგარეო ურთიერთობების მინისტრის კაბინეტი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საგარეო ურთიერთობების მინისტრის კაბინეტის ვებ-გვერდი

საქართველოს რესპუბლიკა

SAKARTVELOS RESPUBLIKA

ბ. ჩიქობავას (ყოფილი საბჭოს) ქუჩა №42/5
ტელ: 296-72-86

მთავარი რედაქტორი
სპარტაკ ძოგულიანი
599 36-00-35

პასუხისმგებელი რედაქტორები:
გურამ გომიანოვილი
599 53-76-16;
ალექს
ასლანიშვილი
599 56-81-86;
პასუხისმგებელი მდივანი
მამუკა ვაშაქიძე
514 33-33-24

გამომცემლობა:
შპს „ახალი საუკუნე – გაზეთ „საქართველოს რესპუბლიკის“ გამომცემელი“
599 53-76-16; 599 36-00-35
შპს „თანამშრომელთა“ გაზეთ „საქართველოს რესპუბლიკის“ გამომცემელი“
ტ: 599 79-76-79

იბეჭდება გამომცემლობა „ქოლორ პრესში“
რკინიგზის ჩიხი №20
uac(უაკ)070.4(479.22) ს-323
ISSN 2233-3851

ავტორთა საყურადღებოდ!

რედაქციის მიერ შეუკეთებელი მასალები დაიბეჭდება ავტორთა ხარჯით. ავტორთა მოსაზრებები, შეხატულობა, მუდამ არ ემთხვევოდეს რედაქციის პოზიციას. ვაჭიბვის სიზუსტეზე პასუხს აბეზან ავტორები.

„საქართველოს რესპუბლიკა“
შენი გაზეთია, აუსილავლად გამოიწერე, რასაც აქ წაიკითხავ, სხვაგან ვერ ნახავ!